

Panggil bomba sedut air banjir kilat

Shah Alam: Hujan lebat yang berlarutan sejak jam 8 pagi semalam mengakibatkan beberapa kawasan rendah di sekitar Shah Alam dilanda banjir kilat terutama membabitkan beberapa jalan terutama laluan motosikal di Batu 3.

Selain itu, beberapa sungai di negeri ini turut mencatatkan peningkatan malah bacaan rumah pam milik Jabatan Pengairan dan (JPS) mencatatkan paras air di Sungai Sri Aman, Kuala Selangor melebihi paras amaran dan penduduk berhampiran diletakkan dalam keadaan berjaga-jaga.

Tinjauan sekitar bandar

raya ini juga mendapati, beberapa laluan motosikal yang sering dinaiki air sebelum ini ditutup beberapa jam sebelum keadaan kembali normal, malah paras air di Sungai Damansara, di Bukit Jelutong, dekat sini turut mencatatkan peningkatan mendadak.

Selain laluan yang berada di kawasan rendah, tempat letak kenderaan kawasan perumahan serta sebuah hospital turut dinaiki air sehingga 20 sentimeter hingga menyebabkan pihak pengurusan terpaksa memanggil bomba untuk menjalankan kerja menyedut air.

FOTO: ASYRAF BOKHAR



KENDERAAN terpaksa meredah air yang naik di Persiaran Jubli Perak, Batu Tiga, semalam.